



Eide Fjordbruk AS

Dato: 21.12.2017  
Vår ref.: 2017/17573-7  
Saksbehandlar: Vibeke Lokøy  
Tlf: 932 49 179

## H-L-23 Eide Fjordbruk AS - Løyve til å etablere anlegg for oppdrett av laks til forskingsformål på lokalitet 26295 Langøy i Lindås kommune

Vi syner til tilsegn av 08.11.2017 om forlenging av løyve H-L-23 til forskingsformål.

### Vedtak

Hordaland fylkeskommune gjev med dette Eide Fjordbruk AS, org. nr 866751242, akvakulturløyve med reg. nr. H-L-23 løyve til å etablere anlegg for oppdrett av matfisk av laks til forskingsformål på følgjande lokalitet i Lindås kommune i Hordaland fylke:

Lokalitetsnr.	Lokalitetsnamn	Kommune	Lokalitetsbiomasse
26295	Langøy	Lindås	4680 tonn

Løyvet gjeld for anleggsplassering som vist i vedlagt kart, med ytterpunkt som har følgjande posisjonar i grader og desimalminutt (Kartdatum Euref89/WGS84):

Midtpunkt	1	2	3	4	5	6
N 60° 46,748'	N 60° 46,654'	N 60° 46,647'	N 60° 46,614'	N 60° 46,651'	N 60° 46,884'	N 60° 46,847'
Ø 05° 9,648'	Ø 05° 9,718'	Ø 05° 9,704'	Ø 05° 9,506'	Ø 05° 9,410'	Ø 05° 9,787'	Ø 05° 9,883'

Lokaliteten er med dette klarert for følgjande løyve:

Eide Fjordbruk AS: H-L-3, H-L-23, H-L-24, H-L-25, H-L-26, H-L-27, H-K-63

Ewos Innovation AS: H-O-5

Troland Lakseoppdrett AS: H-AV-93

Engesund Fiskeoppdrett AS: H-FJ-10

Kvart av løyva omfattar ein MTB på 780 tonn. Løyve H-L-23 er eit løyve til forskingsformål, tidsavgrensa til 31.12.2019. H-O-5 er eit løyve til forskingsformål, tidsavgrensa til 01.01.2020.

### Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse til akvakultur av laks, ørret og regnbueørret. Dette løyvet etter akvakulturlova inkluderer løyve etter matlova, dyrevelferdslova, forureiningslova og hamne- og farvannslova.

## BAKGRUNN OG SAKSGANG

I brev av 3.12.2015 søkte Eide Fjordbruk AS Fiskeridirektoratet om forlenging av akvakulturløyve H-L-23 for en periode på 5 år. Formålet med løyvet er å vidareføre prosjektet «Storskala produksjon av triploid laks under kommersielle forhold».

Søknaden vart handsama av Fiskeridirektoratet etter uttale frå Fiskeridirektoratet sitt faglige råd for forskingstillatelse (Rådet), jf. forskrift om tillatelse til akvakultur for laks, ørret og regnbueørret § 28a første ledd. Den 8.11.2017 fatta Fiskeridirektoratet vedtak om å gi Eide Fjordbruk AS tilsegn om forlenging av løyvet H-L-23 med 2 år for akvakultur av laks til forskingsformål.

Etter forskrift om tillatelse til akvakultur for laks, ørret og regnbueørret (laksetildelingsforskriften) § 8 første ledd, har fylkeskommunene fått ansvaret for å klarere lokalitetar.

### Sektormynda si handsaming

Då lokaliteten tidlegare er klarert, jf. løyve av 20.01.2016, og søknaden kun gjeld forlenging av forskingsløyvet som frå før er klarert på lokaliteten, vert denne søknaden ikkje send til verken Fylkesmannen, Lindås kommune, Fiskeridirektoratet eller Kystverket Vest for handsaming.

Ettersom produksjon av triploid laks ikkje er ein tilstrekkeleg utprøvd metode, krev Mattilsynet at det vert søkt om dispensasjon frå Akvakulturdriftsforskrifta § 20 om nye metoder og tekniske innretningar, som sei i andre ledd: «Nye metoder og tekniske løysningar skal være utprøvd og dokumentert velferdsmessig forsvarlige før de tas i bruk». Mattilsynet gav 18.11.2013 mellombels dispensasjon frå § 20 for å knytte forskingsløyve H-L-23 til lokaliteten. Dispensasjonen var tidsavgrensa til 31.12.2017. Søknaden om å forleng forskingsløyve H-L-23 vart difor vurdert av Mattilsynet på nytt, og dei gav 21.12.2017 ny dispensasjon frå § 20, tidsavgrensa til 31.12.2019.

## GRUNNGJEVING FOR VEDTAKET

Hordaland fylkeskommune har vurdert søknaden etter laksetildelingsforskrifta § 30 om generelle vilkår for klarering av lokalitet for akvakultur, som seier at lokalitet for akvakultur kan klarerast dersom:

a) *det er miljømessig forsvarlig;*

b) *det er foretatt en avveining av arealinteresser, med særlig vekt på*

1. *søkers behov for areal til planlagt akvakultur,*
2. *alternativ bruk av området til annen akvakultur,*
3. *annen bruk av området, og*
4. *verneinteresser som ikke omfattes av bokstav d.*

c) *det er gitt tillatelse som kreves etter*

1. *lov 19. desember 2003 nr. 124 om matproduksjon og mattrygghet mv.,*
2. *lov 13. mars 1981 nr. 6 om vern mot forurensninger og om avfall,*
3. *lov 17. april 2009 nr. 19 om havner og farvann.*
4. *lov 24. november 2000 nr. 82 om vassdrag og grunnvann,*
5. *lov 19. juni 2009 nr. 97 om dyrevelferd; og*

d) *det ikke er i strid med*

1. *vedtatte arealplaner etter plan- og bygningsloven 14. juni 1985 nr. 77,*
2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
3. *vedtatte vernetiltak etter lov 9. juni 1978 nr. 50 om kulturminner.*

## Naturmangfaldlova

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8 -12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta § 30 a.

Søknaden gjeld forlenging av forskingsløyve på lokaliteten. Saka vert sett på som tilstrekkeleg opplyst i høve til oppdrettsanlegget sin påverknad på naturmangfaldet, jf. § 8 Kunnskapsgrunnlaget, og føre-var prinsippet vert difor ikkje tatt i bruk, jf. § 9 Føre-var prinsippet. Vi kan ikkje sjå at det er grunnlag for å avslå søknaden ut frå omsynet til det biologiske mangfaldet, økologiske effektar eller naturmiljøet, jf. § 10 Økosystemtilnærming og samla belastning.

Tiltakshavar skal dekke kostnadane ved å hindre eller avgrense skade på naturmangfaldet som tiltaket er årsak til, dersom det ikkje er urimeleg ut i frå tiltaket og skaden sin karakter, jf. § 11 Kostnader ved forverring av miljø.

Det er eigne forskrifter som gjev krav til teknisk standard og regulerer drift av akvakulturanlegg. Det er eit ufråvikeleg krav at drifta skal vere teknisk, biologisk og miljømessig forsvarleg, jf. § 12 Miljøforsvarlege tekniskar og driftsmetodar.

## **Det vert med dette gjev løyve til forlenging av forskingsløyve H-L-23 på lokalitet 26295 Langøy i Lindås kommune.**

### Følgjande særvilkår gjeld for løyve H-L-23:

- Forsøksbiomassen skal kun anvendes i henhold til prosjektbeskrivelsen i søknaden, dvs til forsøk som omhandler storskala produksjon av triploid laks under kommersielle forhold. Forsøkene skal inngå i forskningsprosjektet ledet av AquaGen AS.
- AquaGen AS har ansvaret for produksjon av diploid og triploid rogn som inngår i forsøkene og skal forestå den overordnede prosjektledelsen. Havforskningsinstituttet skal ha det faglige ansvaret for forskningen i tillatelsene og for sammenstilling, bearbeiding og analyse av data, mm.
- Resultatene fra forsøksvirksomheten skal være allment tilgjengelig. Årlig forsøksrapportering skal utføres på standardiserte skjema (se oppdatert skjema på [www.fiskeridir.no](http://www.fiskeridir.no)) og sendes til Fiskeridirektoratets kyst- og havbruksavdeling innen 15. februar påfølgende år. Det skal videre avgis sluttrapport når prosjektet er fullført.
- Eide Fjordbruks AS skal ha det faktiske og merkantile ansvaret for fisken i akvakulturtillatelsen, og er ansvarlig for å levere data i hht. prosjektet for bearbeiding og analyse, mm.
- All fisk som settes ut i akvakulturtillatelsen skal inngå i forskningsprosjektet ledet av AquaGen AS, og ved avslutningen av forsøkene må fisken slaktes/selges.
- Vilkår i laksetildelingsforskriften som ligger til grunn for tildeling av akvakulturtillatelsene til forsøks- og forskningsformål må være oppfylt også i driftsfasen.
- Det skal før forsøkene igangsettes foreligge forpliktende avtale med fôrleverandør om leveranser av relevant spesialfôr i tilstrekkelige mengder til gjennomføring av forsøkene.
- Fisken i forsøkene skal overvåkes mht fiskevelferd, og det skal foretas systematiske velferdsregistreringer (bl.a. av innslag av katarakt, deformiteter, mm) under alle faser i produksjonen og på slaktelinjen etter avsluttet forsøk.

### **Generelle vilkår**

- Anlegget skal ligge i samsvar med vedlagte kart og anleggsskisser.
- Løyve vert gitt utan ansvar til nabo-, eigedom-eller andre privatrettslege forhold.

- Løyve vert gitt under føresetnad av at etablering, drift og avvikling vert gjennomført i samsvar med andre gjeldande forskrifter og vilkår.
- Kopi av dette løyvet med vedlegg skal oppbevarast tilgjengeleg for alle medarbeidarar på anlegget og for alle som har kontrollrett.

Som konsesjonsinnehavar har De plikt til å sette Dykk inn i det regelverket som gjeld for løyver etter Akvakulturlova. Akvakulturlova med tilhøyrande forskrifter er tilgjengelege på [www.lovdata.no](http://www.lovdata.no).

### **Anna**

Hordaland fylkeskommune viser til kravet i § 35 i forskrift av 17.06.2008 nr. 822 om drift av akvakulturanlegg når det gjeld miljøovervaking og rapportering av miljøundersøkingar til myndigheitene. Vi ber om at miljøundersøkingar blir sendt til myndigheitene via Altinn.

Når det gjeld drift av løyve, viser vi til forskrift 17.06.2008 nr. 288 om drift av akvakulturanlegg (akvakulturdriftsforskrifta) og forskrift av 19.3.2004 nr. 537 om internkontroll for å oppfylle akvakulturlovgivinga.

Løyvet kan trekkast tilbake dersom føresetnadane for løyvet vert vesentleg endra.

### **Klagerett**

Vedtaket kan klagast på. I medhald av forvaltningsloven § 27b er det sett som vilkår for å gå til søksmål at ein har nytta retten til å klage fullt ut. Merk at ei klage ikkje fører til utsett iverksetting av vedtaket. Det er likevel mogleg å søke om at iverksetting vert utsatt til klagesaka er avgjort.

Bård Sandal  
Fylkesdirektør regional utvikling

Sølve Dag Sondbø  
seksjonssjef

*Brevet er godkjent elektronisk og har derfor inga underskrift.*

### **Vedlegg:**

Løyve frå Kystverket Vest 06.10.2015


Løyve frå Mattilsynet, 22.10.2015 og 21.12.2017

Utsleppsløyve frå Fylkesmannen i Hordaland, Klima og miljøvernavingdelinga 10.05.2005


**Kopi:**

Fiskeridirektoratet Region Vest  
Fylkesmannen i Hordaland, Miljøvern- og klimaavdelinga  
Mattilsynet  
Kystverket Vest  
Lindås kommune


# Lokalitet 26296 Langøy



## 26295 Langøy - Klarerte ytterpunkt



Målestokk: 1:10 000





<b>(1) Sendar (stemplet til forvaltningsorganet)</b> <b>Hordaland fylkeskommune</b> <b>Agnes Mowinckels gate 5</b> <b>PB 7900</b> <b>5020 BERGEN</b>	<b>Melding om rett til å klage over forvaltningsvedtak</b> (Forvaltningslova § 27 tredje leddet) <b>21.12.2017</b>
<b>(3) Mottakar (namn og adresse)</b> Eide Fjordbruk AS	<b>(4) Klageinstans</b> <b>Fiskeridirektoratet</b>
<p><b>Denne meldinga gjev viktige opplysningar dersom De vil klage på eit vedtak De er gjort kjend med.</b></p> <p><b>Klagerett</b> De har rett til å klage på vedtaket.</p> <p><b>Kven kan De klage til?</b> Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).</p> <p><b>Klagefrist</b> Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.</p> <p><b>Rett til å krevjegrungjeving</b> Dersom De meiner at vi ikkje har grungjeve vedtaket, kan De krevje ei slik grungjeving før fristen går ut. Ny klagefrist blir då rekna frå den dagen De får grungjevinga.</p> <p><b>Innhaldet i klaga</b> De må presisere</p> <ul style="list-style-type: none"> <li>- kva for eit vedtak De klagar på</li> <li>- årsaka til at De klagar</li> <li>- den eller dei endringar De ønskjer</li> <li>- eventuelt andre opplysningar som kan ha noko å seie for vurderinga av klaga</li> </ul> <p>Klaga må underskrivast.</p> <p><b>Utsetjing av gjennomføringa av vedtaket</b> Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.</p> <p><b>Rett til å sjå saksdokumenta og til å krevje rettleiing</b> Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.</p> <p><b>Kostnadene med klagesaka</b> De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.</p> <p><b>Klage til Sivilombodsmannen</b> Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.</p>	
<b>Særlege opplysningar</b>	

X-0073 N (Godkj. 05-95) Elektronisk utgåve